

冬  
青  
館  
甲  
集

冬青館甲集目錄

詩一

勞薪集二十首

湖樓集七首

櫓谿拾橡集四首

過江集七首

望雲集五首

冬青廬集五十三首

詩二

蕪城集六十二首

後冬青廬集二十三首

北征集十首

南遊集六首

寄阮集二十七首

詩三

疆桐館集二十八首

淮南集十九首

臨頓里集十首

林屋洞天集十九首

桑苎園丁集七首

痺風集二十七首

井叔集十首

文四

釋二首

議一首

記七首

序四首

文五

序三首

書五首

跋八首

文六

跋二十二首

鑑少媿師資長荒學宦窮日故紙差無狗馬之好  
年紀滋多已編香七十餘卷雜著不與也不得已  
先梓十之一二餘當俟更錄焉至於裏麪覆瓿任  
人位置而已道光己亥八月二十七日烏程張鑑  
自識

冬青館甲集卷一

吳興叢書

烏程張鑑秋水

詩一

勞薪集

古意

息夢攀銅輦勞心炙羽笙長門秋雨夜不住草蟲鳴

仇英五百羅漢歌

古畫羅漢誰第一前推貫休後楞伽晚出實父號能品  
筆力獨祖龍眠家活禽生卉學黃趙粉本時亦臨蟬紗  
尤工白描細莫比吳衣曹帶寧能加何年灑落月中水  
貌茲五百青蓮花靈山會中苦尙少旃檀林下宜無差

襪襪欲作水田鶴瑟縮渾似枯木槎毘羅蘇都微妙諦  
具諸眾相爲中車或露月面照光采或堆螺髻飄髻髻  
或張電目刮鑷子或伸鳥爪揮松桎或耳輪垂巨成市  
或眉光放升如粳或現修羅臂百尺或變瞿波頭三了  
師子坐或睡兀兀糊孫藤或行衙衙山腰或倒跨香象  
波面或半踢金蟆毒龍或咒攝調御彫虎或繫頻搥搥  
煮石乳或充瓶盎拈松鍼或縫袈裟或薈蔔過鼻還縮  
或米汁到口先哆或臥花窟繙貝葉或挈寶盒藏佛牙  
或捕鬼母破藕孔雨刀風馬吹天斜或度鹿王拈花朵  
魔兵醜女羣咨嗟或兜率宮或祇寺竭來遊戲天雨葩  
摩挲肉眼看不定有若難數恆河沙此卷流傳出誰氏

款識不許人矜夸天籟閣中應不入銷夏錄裏徒成賒  
盡埽題句更跋語神物亦豈能瑜瑕嗟余蟄處一老衲  
十笏之室如盤蝸軸簾幘覺飽寒餓日光旋轉花陰遮  
恐汗寒具復卷好逃禪心痒難抓爬我聞達磨昔南渡  
開山衣鉢來中華曹谿一去又千載十有二部空呀啞  
心空及第那易得爭千佛名經紛拏渡海無筏鴿驚顫  
幾人誦經凌晨霞薦以艾蒻更頂禮髻鬢丈六黃金塗  
願皮作紙血作墨請寫萬卷交侯芭

過寶雲和尚豐草菴

瓶盞無端付劫塵重來門巷及蕭辰白衣自合稱開士  
青史何從傳逸民禪室樹深仍度鳥釣潭秋淨不生鱗



西風吹墜昭陽夢誰爲招魂問後身

西湖秋柳和楊秋室八首

萬樹千條冱暮煙亂鴉嘯過暗門前  
玉津園裏西風冷瘦損腰支又一年

一痕涼月水西東搖落依然映渚鴻  
見說清波門外種銷魂誰似鮑郎中

湖園春半鬪纖腰十二簾前翠簾描  
一夜珠郎偷擲笛澹煙疏雨段家橋

低遮花影泥新涼清露無聲溼畫廊  
比似桃根今老大秋來誰憊水仙王

紅船斜繫記春曾占斷年光苦未勝  
重到水天閒話處

絲絲涼覆柏花鐙

嫋嫋鵝黃一兩枝亂拋風絮在春時而今司馬朱顏改  
借得秋波照鬢絲

芙蓉閣迴露初寒拂面柔條染未乾髣髴羅衣天水碧  
夜深還倚玉闌干

愁唱黃鸝日又低數枝狼籍跨虹西衣香釧轂恩恩散  
無那哀蟬抱葉號

同施北研楊秋室李白樓楊拙園集報國寺拓  
前明李楨書妙法蓮花經碑和拙園韻二首

勝引偕蘭友沿谿步屨深詞源窮汲綆禪悅妙吞鍼石  
墨成幽契氎椎試遠尋竹閒清磬出一爲叩珠林

閒房風日美洞洞復亭亭花燭諸天宴龜趺古殿經香  
宜熏篤稭紙勝寫磁青拓罷傳觀處長謠繞蘇庭

登寶石山天然圖畫閣用樊榭韻

佛閣梯桃取次登四山涼翠記來曾白蓮社肯孤良友  
壞色衣須借定僧拾果野猿窺石澗聽經仙鼠拱秋藤  
他時再結宗雷約莫道攢眉我未能

無門洞

虛牝鑿五丁甯然自太古蕤蕤石斛花靈苗曉還吐我  
來禮金粟塵劫浩難數傳是古龍宮宿雲莽無主遺蛻  
不可尋時作修羅雨

白沙泉

跌坐青松根寒泉寂來響何年枯木禪挂瓢此孤往茶  
毀不可爭水晶尙能賞會攜三昧手結構置虛棧寄語  
桑苎翁便當脫塵鞅

紫雲洞

修坂被苗松窈窕入晴壑丹梯三兩盤崖骨一疏鑿時  
有白豪光片片衣裳落石髓不可期塵海本無著未免  
驚谷神晞髮罔心諾

蝙蝠洞

山行雖忘疲墜甌畏秋暑石屋何年開蒸嵐迷處所誰  
然牛渚犀取徑色先沮女蘿時一攀騷屑山鬼語夕陰  
起遙峰一一見仙鼠

威乙巷求應潛齋故居不得

太息潛齋去重來有所思牛全明處士老作漢經師逸  
事猶能纂遺編不可知寒泉如可薦敢獻大招詞

周埽文姬歸漢圖

周郎畫筆爭蠶絲粉本不數荃與熙流傳此幅尤絕奇  
中有美女爲文姬黃龍堆前秋風吹雪花亂卷乾紅旗  
貂幘戎削顰蛾眉行將東歸辭龜茲一馬前導一馬隨  
一馬齧草不可馳豬韉蠻部攜兩兒攔道涕泗交其頤  
雖非王嬌如息媯欲去不去何遲遲阿瞞昔日裂綱維  
千金贖人同殺皮腹痛豈與中郎私故態乃似分香爲  
蔚宗史筆雄一時列女傳作諛墓詞胡笳之拍良可悲

寧足比以曹娥碑

湖樓集

劉松年畫南宋中興四將圖歌

朝幌搖漾紅梨枝校書館中春遲遲閒來讀畫展縑素  
丹背剝蝕神明虧君臣南渡苦牛角江山半壁猶撐持  
南薰殿迴少顏色何人下筆親威儀一將兀立似平叔  
兩目豎直交於眉條侯貴倨習綺靡五花官誥封雙姨  
一將老大慘不樂面目深皴微生髭清涼居士晚驢背  
燕山射虎今無時一將高準復廣穎老爲巨猾鬚連頤  
鳶肩火色自有相以之詔檜奚足疑後有一將大小眼  
銳上豐下如靨垂鄂王精忠古少比至今絹上同憂危

憶昔臨安起宮殿君王愛此成愆期汴州風物豈堪夢  
冰天龍骨何由知金縉列款歲不繼中朝相眼同嬰兒  
紛紛畫院更何有劉侯發憤神飛馳殿前待詔類謫諫  
馬遠郭恕誰敢嗤每見陣雲憶轉戰還聽鼓角憐舉旗  
中原父老自有淚南天臣子難爲詞寫成一幅寄深慨  
袞冕斧鉞良不欺繪雖藝事有忠孝古人往往存其思  
運糧圖成足風雪勤王妙論無乃奇把侯圖畫憶侯住  
闔門東去波漣漪還將史事論南北愁殺當年老畫師

題華司馬秋槎北山旅館圖二首

藏鴉門外水泓泓蒲葉菱花兩岸通吟盡秋來孤鴈影  
詩名不讓鮑清風

閒卻籌時卅載身  
著書魚鳥日相親  
何妨姓氏流傳徧  
不是蘭陵賣藥人

周五戈歌

琅嬛仙館春溶溶  
吉金貞石相過從  
有周五戈出何許  
手爲抉剔開苔封  
平頭奴子擎不得  
寒芒四射青芙蓉  
一戈有孔埒援胡  
公孫造之銘厥庸  
一戈子永之所作  
活翠剝落生沙濃  
復有一戈執宜左  
高陽當日珍如琮  
其外二戈失款識  
摩挲法物心彌恭  
橫刀立旆要有體  
雞鳴磬折難爲容  
初疑閉置學買價  
旋加湔濯傳奇蹤  
吾聞攷工有冶氏  
儷以桃劍同鳧鐘  
四分其金錫居一  
赤堇破出煩熬鎔  
後世妄作易以鐵  
乃與制度相筵縱



冬  
一  
程氏及書益晚晚陶公劍錄徒噉喁雀弁上刃夾兩庀  
東朋西癸周所宗校書幸免鉗在口哦詩那得星羅胸  
本事雕蟲矜小技轉拓金戟離歡悰舊年突豕犯蜀道  
黃雲戍苦傳狼烽書生自具燕頤相斯戈寧復殊笙鏞  
安得紅襦重兩勒爲師負此臨雲衝宋斤魯削亦何有  
庶幾矢黑還弓彤

奉華堂研歌

先輩匣中一片雲云是紹興末年宮裏物我聞光堯閣  
中之經且難保汝研何由得湔祓背刻三字奉華堂輦  
下傳聞口先吃得非閉關頌酒之子孫霧鬢雲鬢憶仿  
彿大劉妃本臨安人德壽以此供晨昏圖成宮繡妙粉

墨比諸畫院還入神萬壽橋邊竹堂裏當年色藝矜絕  
倫方響誰葛元德摘阮誰曹彥國彈箏誰朱邦直許柔  
柔舞瓊瓊歌汝獨抱此一研將如何阮譜三十曲圈朱  
點墨親研磨圍碁罷賭寫風竹綠華璫玉顰雙蛾大河  
以北事已矣靳王雖存岳侯死手詔勤寢心則那爾研  
之頑乃無比斯時批書繞御牀研乎研乎得弗相表裏  
書生舌端炙轂同此論無憑吾不喜風鐙過眼幾百年  
忍使明珠謗薏苡裹以鵠紋魚口之素錦熏以龍涎鳳  
腦之濃香旁鑿不甌滑而腥修史寧數柯

維騏與王維

儉新編細寫崇福院舊事還參金陀坊一堵五難兼三  
長日餐蛾綠坐研北一勺沙泉淨揩拭誰言宣和脂盞

不可尋儷此美石宜良金

西湖僧舍晤徐雪廬

昔作武康別重來隔歲餘  
孟郊詩轉瘦吳質病方除  
花影團禪室春陰散麴車  
西冷吟賞地一爲感離居

移花和王春畬胡書農兩同年時共纂修鹽法志同寓昭慶寺

雲堂旦過雨廉纖移得情  
根傍畫檐種處不求天  
女散開時自覺定香嚴  
十年杜牧塵緣斷三逕  
陶泉別夢兼安得對花  
長住此鬢絲禪榻笑同拈

楷谿拾橡集

雨中陪劉信芳師遊蘭亭

東風吹雨溼輕裾還上山陰薄  
羣車彭戴恩難忘款款  
羊劉詩豈厭徐徐古來修禊人何在  
雪後明流酒不如  
欲向羽觴徵舊事清談自勝暮春初

自樊江至吼山

曉雨停觴牀擎音出野水時見垂楊樁  
春風綠方始石  
扇忽中開洞壁蘚痕紫何年驅六丁  
蹠此巨靈趾其中  
正谿訝其外得俶詭佛胛理庚庚  
鬼面露齒齒嬾雲闕  
乖龍活水媚仙鯉買山雖未能讀書  
故心喜山爲陶石  
質讀書處  
危闌一以眺煙霞不可理飯罷復登  
艫沿流拾芳芷

過上虞縣

縣冷稀塵市谿禽信往還  
幾家住修竹亂水繞青山鄉

妾劉桑少農人緯未閒望中春正及雉子遠斑斑

紫陽宮

仙觀幽谿上春風鶴逕寒蟬衣生玉座松翠溼苔壇有  
碣書遺蛻無顏駐大丹祇應明月夜笙吹降驂鸞

過江集

將赴都門留別詰經精舍同人

一試不稱意翻然成遠遊江山從此始花月爲誰留柳  
冕原難第唐衢本善愁傳經舊同學且漫作悲秋

無錫道中

別驛無多地離家已各天谿流含宿雨山骨露秋煙運  
甓沿江店催租機岸船不須驚歲暮遊子意茫然

高家堰

高郵城下水盡日向東流清口淤誰刷淮南事可憂民  
居寒伐荻官驛夜登樓漕運

神倉重須知更遠謀

南池謁杜少陵祠

祠宇南池上殘年俎豆荒詩存唐日月貌苦蜀風霜蛤  
老空潭碧鴉歸脫葉黃彭衙今夕感吟眺意蒼茫是日聞警

分水大禹廟

南來禹廟此河濱想象雙圭日月新輓粟至今嚴貳負  
董工終古役庚辰飛沙夜濯靈旂雨帶水朝回玉座春  
聞道桑乾秋汎惡綠章誰與

至尊陳

錢刀行

孝子姓馬氏自幼知父沒遼左欲往迎骨歸  
葬請於母以幼不許乃日積所得錢刀爲行  
計母知其志遂鬻珥釧成之果負骨歸旣而  
孝子卒事乃暴諸城劉石菴相國屬爲詩作  
錢刀行九解

啞啞烏尾畢逋孤兒夜泣雙眼枯

一解

有父戍遼左十

年不歸來可憐新白骨日夕委蒼苔

二解

兒欲往迎阿

母不許兒年十五號咷不已

三解

朝亦積錢刀暮亦積

錢刀問兒何所積問兒何所勞

四解

阿耶骨不歸兒心

焉得憚仰天出門豺狼爲辟易

五解

吾僕旣凋瘵吾馬

還虺隤精誠一以通金石爲之開

六解

果然收骨背海

頭千里負之路阻修

七解

吁噉乎惟孝無老惟孝無小

積此錢刀順彼長道君不見萊子之衣陸郎橋人生有

孝不以日

八解

我歌此詩神所聽著之

國史明丹青以比蓼莪繼葩經

九解

### 紫藤花歌呈劉師

薊門三月春風斜家家屋角開藤花豪吟猛憶海波寺  
手植不數吏部衙竭來半載蝸負殼豐臺舊約行尙賒  
映階賴有兩株樹長身交結同修蛇昨朝小雨一披拂  
急撥塵土塘窗紗初疑龍鬚噴紫沫漸看佛脚含丹沙



齊奴步鄣曳落索季龍斗帳垂鬢影千枝萬枝壓幌曲  
三朵兩朵飛檐牙客居百事不快意花時轉側思歸家  
家中老屋在花下茸茸紫雪春抽芽小年上樹腳百匝  
清晨弄蕊手入叉已嫌照眼異疇昔那能插帽羣咨嗟  
吾師居官食冰雪門多問字無翅車兼旬況值鎖闥去  
令予閉置如宮娃頗傳

國初盛好事古藤書屋朋箋誇竹垞不作山薑老一撚  
長條感歲華

望雲集

董仲舒祠

董相祠堂在冠裳異代新驕王尊識緯高弟繆天人雲

樹靈鴉語風花羽帳塵玉杯書不改下馬一愴神

贈吳梅梁同年

之子揚州秀才華自妙年南金求不易東箭價誰先風  
貌阮何並詩名庾鮑前青雲終羨汝矯翼鳳池邊

中秋與同舟諸君小酌是夕月食

明月成高會秋江晚正波臨觴忽不御同調意如何地  
上還全蝕天涯尙魯戈美人千里思一夕感蹉跎

白洋河弔史閣部

開府重來國竟亡恩恩鉤黨劇披猖生前霜雪同文陸  
死後衣冠勝左楊怪鳥自嘯營壘盡梅花無主墓門荒  
唯餘一片淮南月曾照鞞刀誓戰場

雨中過露筋祠

叢祠依灌木古殿闕秋蟲碧瓦衝涼雨靈旂卷朔風幽  
花明渚曲祆鳥下晴空回首秦郵路煙波落晚楓

冬青庠集

節署得湖石阮師以字字之曰雲臺峰詩以紀  
事同人和之

晴雲一朵壓羣峰珠浦重來又碧空魯直題銘輸肘後  
南宮結契入圖中雨餘閭苑仙脾重花亞朱陵地肺通  
誰數錢塘龔主事宣和舊物玉玲瓏

雲臺師置漢陶陵鼎于焦山同人分賦

琅嬛館中定陶鼎濃綠直壓焦山巔焦山之鼎古莫攷

神物黯淡愁雲煙詩人詠歌共光價造爲詭倣吾不然  
吾師好鼎如好士不令墜地遭屯適宣德彝器列譜系  
雲雷饗飮相新鮮唯茲繡澀類寒餓知與人海殊腥羶  
一朝刮垢露光怪耳根碌碌金鑲圓頂高一寸腹四寸  
漢律黍尺通刀錢鑿款隸字得六七鉤勒勁直星辰矐  
金牀不歸怨春韭寶衣已化羞寒泉隄麋并其記地志  
黃圖三輔斜陽連珊瑚鐵網豈易邁得之乃復遺其筌  
朱門捫揣厭梁肉雲肩妥帖隨臞禪以鼎致鼎古無例  
髣髴合浦珠牽纏不爲已有得常有衣蓋要與傳鐙傳  
大江寒潮卷秋雪載此亦有沙棠船精靈月黑聞爾汝  
過閩人物同千年飛廉魂苦列缺怒雨兩虹氣相騰旋

華陽石墨令威歎摩挲不異金銅仙枯木堂空搖海影  
松明夜炷清無眠東西離立比夷惠銅花銅葉璀璨筵  
仰天一笑石鼎句寒濤落落長松前

分題琅嬛仙館畫扇十首

蔣廷錫佛手柑

花前退直罷朝餐貌出兜羅墨未乾莫笑唐羌曾置驛  
越裳消息近珠官

周臣柳塘洗馬圖

細柳團營散紫騮角觮弓外見河流將軍昨夜潼關入  
閒殺西風敕勒秋

徐邦棠上白頭翁寫意

開時西府亞珠胎  
練誰濠梁不數崔  
一曲笙詩誰補得  
油油春意滿南陔

錢穀攜筇觀瀑

縣磬先生每晏如  
朝朝忍餓寫寒樗  
一枝九節仙人杖  
拄到匡廬讀道書

藍瑛仿梅道人仙居樓閣

阿龍戰苦蒜山前  
九友飄零感暮年  
自是蓬萊清淺後  
秦淮高閣小遊仙

黃文立隔水問樵人詩意

延瀨薪歌少和聲  
誰吟招隱愛閒行  
長松絕壑清於水  
六月披裘不世情

張源瀟湘夜雨圖

秋風木落鴈成雙  
曾上潯陽萬里江  
髣髴懷人清夢斷  
暗潮打枕臥蓬窗

吳山濤雨餘山色

九嶷寒影繞函關  
雨後空思匹馬還  
想像塞翁官舍冷  
放衙初過寫秋山

王化成煮茶對奕

紗帽圍碁調水符  
王郎人物妙規模  
松風吹入長安夢  
賭得宣城太守無

趙文俶花螻

家世紅欄里  
舊稱女孫才  
調擅休承  
荀香花底泥金螻

知是滕昌祐未能

澹寧精舍卽事和阮師韻

天涯積雪滿寒沙昨夜嚴香著樹花  
九陌光陰愁竹素千秋心蹟倦鉛華  
園抽蘭葉春風薄池裂冰紋旭日斜  
敢負官齋閒歲月起披金石寫蟬紗

西漢黃龍元年建甄

漢人都咸陽工築每稠沓至今未央瓦  
常被馬蹏蹋因瓦遂得甄銘字爭響  
搗斯甄紀黃龍注與小顏合宣帝  
二十五年竟不臘史書上年冬火及  
宣室閣距崩未央時歲星適周匝始  
知熟埶年無用苦批拉審定修未央  
風霜幾蕭颯幸非鑿曰科庶免砌甄  
塔四角暨中央



完好少齧踰何年出鄠杜何年渡涉潒中有地理書鎬  
吐復澧飲吾師誌金石往往卜簪盞商卣辨立位魏鐘  
識鞶鞶一字必鉤貫不肯受譌雜門才楊南仲朱同年爲弼  
意亦互酬答漢甄有未央此義非譌諧用以配研山永  
勿近酒榼火速寫成詩尙可及官蠟

東晉興寧二年俞氏所作甄

晉甄記興寧太歲得甲子攷成及工名所作爲俞氏其  
廣才扶句其修或過咫粉虵兼蟲涎字字如蠶尾何年  
摸金尉掘土發鶴觜初疑入故宮又若出邊壘旣無保  
母文復少建康史攷古墮微茫舌橋不可止憶昔搏土  
人晨星試僂指元和謝君誰永初景師是叔文曹系國

伯寧汝系水結體皆隸書洪适釋所紀惟此姓不名或  
是旌人耳我聞琅邪王居位僅三祀雒陽不果遷甄埴  
豈暇理晉書十八家寧復涉譽毀吾師契金石有讀文  
必起匣定用髹漆錯弗加厲砥香姜羽陽閒羅列烏皮  
几于梁紹泰過于吳寶鼎比嗟哉永嘉餘銅駝沒荆杞  
誰將婁機箋一發陸機旨

漢金釭歌

阮師得古銅環自定以爲飛燕女弟昭陽舍  
中物

長安二月東風早昭陽舊苑生春草今人耕作漢人宮  
拾得金釭色枯槁換來不惜金叵羅尊前爲作金釭歌

摩挲故物看銅狄檢點殘書話影娥憶昔徵歌初第一  
趙家姊妹承顏色底須雲氣畫成楣不要椒花塗作室  
雲楣椒室總鉤連宮樣新翻號列錢光銜白玉釵頭燕  
采發紅葩井上蓮此時芳苴鐙難燼此日綠熊席交映  
團樂舞後水晶盤彎環照罷菱花鏡夜深蛤帳光生寒  
何止珊瑚閒木難浴回豆蔻誰同拂鬢罷櫻桃只獨看  
合歡殿冷披香歇此釭鑄後煩珍惜只宜長對掌中杯  
只道長如天上月一朝訣別溝水流銀鵝金鳳又成愁  
珠簾別院應難惜翠羽紅牆誰見收秋風滿地宮槐落  
七寶臺空攏魚鑰拋殘鈿笛井牀閒銷沈銀甲苔花薄  
銅人辭漢淚如絲海肺鐙邊不自持太清樓上徒相憶

博古圖成那得知教吟外傳花閒聽斑斑認得臙支印  
西京雜記憶吳均祕辛遺事愁楊慎一規髣髴溫柔鄉  
較量尺度仙人璫摩蠟自宜儕粉碓熏香切莫洗桃漿  
倉琅根斷漢宮閉樊嫵無言還擁髻黃金不成仙不來  
釭乎愁說繁華逝畫堂甲帳盡前期金棗銀蠶又一時  
莫問曝衣樓上飾涎涎唯有燕交飛

楊忠愍公石印歌

蚺蛇膽何輪囷石中有名明孤臣天池釣叟昏不知袁  
州盜柄親假之十罪一疏冤未雪觸手青燐散紅屑余  
舊弄公書欲以鈐終始西市銀鐃一片心碧血爛爛照  
丹史

題阮師秋江載菊圖三首

艣牀低壓傳延年橫漲橋西破暝煙津吏到來應一笑  
官齋幾度載花船

一琴一鶴共相隨璧社鄉心見兩枝除卻白蘇無此格  
晚參放後和陶詩

瘦影蕭疏一例寒秋容香節入冰紉最憐鼎鼎多梁肉  
不是唐花不與看

商父乙觴

觴銘五字曰子冊冊父乙琅嬛仙館藏商周  
尊彝共十三事癸亥二月湘圃封公生日中  
丞招客稱觴集同人分賦得此觴

鼎名有父乙尊名有父乙彝名有父乙爵名有父乙商人銘器銘詞取高陽質斯解三千年字異科斗黍土佗沙牀斑何年剔黼出殷名例用干帝繫苦推測或云報丙父報乙禮所秩或云亶甲子祖乙典勿失或云武丁父小乙列嘉栗或云庚丁子武乙用錫吉天乙復帝乙六者安所職子冊父何法母辛祖戊律婦庚孫己名通下視茲刻吾思簡狄女厥祥徵卯胤惜少汲冢書徒勞想芬苾其口三寸徑其腹四升實上爲雲雷蟠下有饗飮勒典重儷湯盤升降儼修飭俗儒經學荒古文尙難識無逸記祖甲後人釋以肫申鄭先難王異端悉可黜吾師治民暇治經準古式況當介壽期春酒極柔色酌

解思韓嬰詩說妙是則非直舛婦文兼有夕桀術多聞  
觚何妨寡聞觚斯惡餘事繪作圖一解趙商惑庶幾乙  
與鴻望古非耳食

宋文信國瑤琴歌

琴長五尺上題云松風一榻雨瀟瀟萬里封  
壘不寂寥獨坐瑤琴遣世慮君恩猶恐壯懷  
消時景炎元年蒙恩遣問召入夜宿青原寺  
感懷之作譜於琴中識之文山共五十六字  
共鈐二印曰仁至義盡曰天祥宋瑞之章按  
宋史端宗於德祐二年五月卽位福州改元  
景炎公自温州入爲右丞相則所云蒙召殆

五月後事七月公復開府南劍州自此至十月帥汀州興化軍恐無緣再召矣見拓本因爲之歌

竹垞昔見玉帶生手拓銘字成裝池冬青樹冷說遺事爲生辛苦吟新詩吾不見生見生友古桐五尺生光儀朝起挂在壁對之神飛馳始知丞相初識汝乃在青原寺中夜雨時是時木波已祝髮景炎改元始五月公方勤王留温州端宗召之乃入粵提攜遠得梅花納碧血先從十指發生之所交汝應交中甫炎午與謝翱黃冠汪水雲想汝更知已可惜已經北去難招邀殺聲久分入柴市變徵一奏霜天高玉帶生雖有功不及汝能寫



公之胸中知公祇一王伯厚千載復有焦尾桐夜深以  
筆畫汝腹古誼忠肝汝能覺詩成廿八年尼珠急管么  
弦不堪讀想當顧影索再彈奇氣青霞鬱河岳從前何  
處匿光采至今始得露圭角縱有素女絲知汝結轡難  
爲詞縱有黃金徽知汝寂莫不可揮唯有釣壇竹如意  
可以擊石裂石相攀迫囊以古錦薰以蘅零丁海外秋  
霜晴寒潮夜落琴中聲我詩遠媿竹垞叟伴汝終須玉  
帶生

送春詞和方鐵珊三首

海棠雪厭醅醺早苦棟風欺楊柳遲黃四孃家落花日  
賀梅子句斷腸時

今歲聽鶯官閣雨去年騎馬禁城寒轉思薊北東風晚  
似勝江南春事闌

春泥坊底芹初長朱雀桁南燕又忙此別誰爲酬白墮  
再來我亦惜紅裝

節署月臺落成呈阮師

平臺高出碧梧端官舍閒時一倚欄山郭雨回晴翠抱  
海門秋入暮濤寒鶯花有約思王粲絲竹無緣感謝安  
彷彿中宵吟水調薊城煙月路漫漫

時師將入  
覲

題西湖櫂歌後四首

雨後初乘搖碧舟冶遊多愛牡丹秋千年石帚詞名在  
西月東風水磨頭

苦學新腔勝管弦  
蘇家簡簡妙流年  
藏鴉門外依稀見  
裙襴朝來瘦可憐

摒擋歌旗更酒卮  
鹿頭船小出花遲  
趙斜陽與張春水  
都似楊家妹子詩

甬泥時節水羅羅  
紅舫銷金半蹋歌  
一夜漁師譜漁笛  
青山愁畫馬清波

飛霜鏡引

鏡徑今尺五寸七分  
體圓作八瓣背白如銀  
左圖四竹三筍一人坐  
絨置琴膝前几置短  
劍二鑑一右方一鳳  
立于石二樹圓如帚下  
方爲地中一蓮葉一龜  
龜值鏡心虛其足以

爲鼻上方有山有雲銜半月月有顧兔下作  
田格格中四正字曰眞子飛霜阮師以書畫  
審定之以爲此晉人作曾在內府見唐摹顧  
愷之洛神樹形太陽陽烏可證則眞子疑卽  
戴逵逵傳達能鼓琴工書畫其餘巧藝靡不  
畢綜師事術士范宣又宋書戴仲若傳漢始  
有佛像逵特善其事據二史則逵實以一身  
兼之江南錢博士站以贈中丞鑑爲之引

有鏡有鏡名飛霜青銅一片寒孤光眞子者誰姓氏荒  
手不敢觸神茫茫面上何所有淺花八出顏色久生沙  
不蝕塵不垢皎如寒月出林藪霍如火珠懸左肘雪如

奔電入窗牖背上何所見中央四角復周徧有蟲有鳥  
有草木左圖一人如禮殿冰夷白浪數番淬列缺紅鑪  
幾回鍊寧求漢殿葡萄枝應過唐苑芙蓉面花前指點  
心煩憂鳴鳳在樹何所遊放龜在沼何所傳顧兔在腹  
何所求飛霜在御何所尤搔首問之風颼颼此鏡流傳  
凡幾時江南錢氏偶得之徧攷史冊不敢知閭中摸捉  
無妍媸吾師審定疑戴逵逵能范金兼彈絲起雷造冰  
靡不爲字蹟況合西晉勢畫法不守南宋欺以字以畫  
非支離命弟子鑑記以詞鑑也撫鑑有所思吁嗟乎會  
稽山中一高士有鏡團團搖海水鑄來已自數千年照  
去寧須二百里楓根幸免伴漆鐙閭裏尙羞事眉史翻

然忽作千秋思  
閭盡山林閭朝市  
漂以西巖之涼颼濯  
以寒泉之清泚  
侵晨持謝負局翁  
簌簌嚴霜拂人指

澹寧精舍銷寒會分賦

畫鐙

簫風攪空林  
官燭難初夜  
斜綳半幅紗  
直扶一尺架  
膩  
繖礫新調熨  
帖蠟重研綺  
櫺雲英翰山  
屏石粉借結  
習  
翰墨多傳看  
丹青乍揚

昌緒

既馬遠流周

瓚

亦邊鸞亞

異曲或勅敵  
同工自方駕  
雲氣白蓬蓬  
花枝紅姹姹  
香  
濃胡蝶忙態  
淑仙靈暇畫  
勢淡更疏題  
句密無罅回  
飈  
護升降吹火  
巧脫卸舊事  
記武林其品  
每高價忠惠  
春  
雨堂左右列  
可怕蘇貢始  
甚奇福製晚  
益下萬眼名  
希

傳無骨式驚詫但要官長歡不顧路人罵

武林舊事鑑品至多錄福

爲冠新安晚出尤妙無骨鑑者法用絹囊貯栗燒綴混然玻璃又或爲細眼紅白號萬眼羅趙忠惠守吳製春雨堂五間左汴京御樓右武

林鑑市歌舞雜藝凡用工千吾師去雕琢卽事似茅舍

雖遜西漆煎頗類南油瀉虛堂絕絲弦幽幌遠香麝自

宜照琴書豈可對漿炙古懽昔所敦繁華久相謝一任

麥蛾飛寒光透花榭

讀阮師潛杭州清波門流福溝成放水入城紀

事詩書後

杭州城下波拍浮杭州城西水不流錢塘江遠湖口塞  
人家低下愁春秋天旱苦汲雨淫潦卽有水利誰講求  
縣官昨夜下府帖清波門外開水溝此溝彎彎十幾里

水門東西通兩頭不知何年竟拋置斷港遂斷中河舟  
一朝開泊浸五版半萬肯惜金錢酬湧金爲源候潮委  
春流一曲不可留自開此溝難具陳豈獨官舍歡羣騶  
去年大雨水入戶使我沈寵生蜃鱗前年小旱水涸井  
使我茅屋愁鬱攸從來民事爭緩急此溝不開憂不休  
運司衙前壤新鑿滿州城裏工親鳩餘杭水利憶唐世  
後有白傳前鄴侯築隄捍湖薶六井流傳好事爲歌謳  
爾來九百八十歲石函南窺同懸疣前年西湖大濬治  
封田十斛魚苗收撈草已除役夫役武原鄉下成良疇  
池陽谷口美古史一掃糠覈追前猷功成作詩示吾黨  
猶復謙讓云人謀舂陵行好記聲叟秦中吟苦思江州



詩關風教賴此種一奏金石非嘲哂願寫此詩一萬本  
散給俗吏爲共球臨平湖邊一回首德澤與之誰阻修

山塘感舊

水樹停秋舫山花接石橋故人應不作酒侶莫相邀舊  
事齊紈扇新愁碧玉簫闔閭城下路惆悵倚輕橈

夜泊潯墅關夢與疏雨話舊因寄白舫

不見劉文學銷魂又一年夢來詩卷冷別後酒杯捐殘  
月吟蛩夜西風落木天范滂有同調儻亦淚潸然

江陰官舍喜晤包馥亭

芬

吳欣齋

榮

董望軒

璜

胡書農

敬

四同門

京國兩年別江城四日留寸心無可道杯酒卽離憂初

日寒濤落西風桂樹秋前期易分手又上郭門舟

五雜俎十一首

五雜俎刺繡絲往復還星輪馳不得已染白髭  
五雜俎楓樹林往復還寒蛭吟不得已烈士心  
五雜俎山雞羽往復還平江舫不得已甲子雨  
五雜俎宮錦袍往復還白鷺濤不得已兒夜號  
五雜俎紫遊繩往復還炙笙簧不得已捕飛蝗  
五雜俎蜀女布往復還秋江渡不得已典破袴  
五雜俎匏匏髮往復還盤中字不得已溫墨義  
五雜俎夜叉額往復還唱捉搦不得已逢襦襖  
五雜俎銅花卣往復還機上結不得已南箕口

五雜俎摩喉羅往復還飛夢蛾不得已殺癡歌  
五雜俎九霞裙往復還秋雁羣不得已諛墓文

送查梅史屠琴鳴兩同年北上

老梅作香北風大黑雲壓城如盤磨主人瑟縮號寒蟲  
簾外客來日幾箇武康徐生熊飛尚緼袍蕭山汪九繼

培

才驚濤況有查子與屠子千篇鬱緊人中豪驅車直

過東蒙曲雪花不飛杏花足美人贈我金錯刀何以報

之玉胡盜近來南鄰朱孝廉

爲弼

詩興端木

國瑚

爭清

巖鴻都門外逢伯玉

陳文述

七子一笑春雲淹以詩取

士自唐始大歷之後不足齒斯行若遇韓昌黎吾鄉述

古止於此

皋亭看桃花用前探梅韻

朱朱白白滿天涯三度花開一看花甘遜邨邊春正永  
臨平湖上路寧差種當山寺香車集紅近江橋酒旆斜  
傳語東風好流轉再來我自認仙家

皋亭看桃花歌

驚蟄已過寒食來艮山門外桃花開官齋曉鶯急曉起  
早有畫舫沙頭催一春喜無月額雨艣牀漠漠吹塵埃  
臨平湖遠蒹葭暖眼中舊槥明珠胎倚門兩枝映淺水  
當街萬片飄蒼苔已看園客暈白頰頰覺越女羞紅頤  
清宵何許駐鸞鳳白日自足迷樓臺攬身直入探雲海  
騎紅倒瀉流霞杯瓊田不許肉馬蹋青蚪一控眞蓬萊

山回地抱一犇放遊絲嫋嫋波洄洄天水南渡急刁斗  
馬蹏半夜鳴春雷僉名道清事降表雖有絳雪同寒灰  
時平千里但娟好夕陽半落青山頽獨孤側帽一懷古  
番風亂卷乾紅堆吾來三載得良覲敢言時節遲官梅  
舊年榜花落押尾天教眼福歸驚駘不爾騾車走燕市  
今晨拂面多煤炰遼鶴卽使乘軒屏海鳥何苦聽鼓吹  
呼龍咩煙乞瑤草歸來自向春風栽攀花一笑亦有數  
遊仙久已忘天台

曉起

春風昨夜寒官齋獨朝起忽聞鴈鵒鳴跼落冬青子

題秋窗夜讀圖

梧桐欲辭林蟋蟀已居壁高齋夜未眠所志在羣籍古人不可期秋風動遙夕

西湖種柳曲爲阮師賦

藏雅門前柳絲短流鶯恰恰春風緩水仙廟外柳絲長  
落花蔽蔽湖水香長條短條不知數海上春來供軍戶  
滿隄種取三千株要與東風作賓主今年種柳低藏舟  
明年種柳高拂樓山桃未破一痕綠水蕓半落千絲柔  
柳花飛飛滿前渡居人指點沙隄路依稀記得白與蘇  
曾種西湖幾千樹一枝罌罌搖晴煙兩枝婀娜當春天  
千枝萬枝嬌白日總在慶厓元和年七百年來歲月久  
官不知民豈知柳一任煙苗摧作薪不管風梢縛爲帚

行宮東面雨初寒

御舫西頭露未乾停船繫馬一回首墮枝零葉難爲歡  
使君爲政如春日天與湖山管風月寒食移來放鴨船  
六橋分付司花卒縣近臨平二月時年年還到一千枝  
老鹽倉冷寒潮色水磨頭新月子詞昔人愛柳如愛民  
使君愛民如古人含風鳴綠搖沙觜弄月鵝黃映水脣  
古人種柳已拋擲今人種柳重愛惜古人種柳苦寂寥  
今人種柳還招要古人今人好官職留取長條有人識  
風花變變水羅羅曉起湖南望湖北

冬青館甲集卷一

冬青館甲集卷二

烏程張鑑秋水

詩二

蕪城集

同周樸齋過蕃釐觀

山禽一雙鳴孤桐步屨暮入青羊宮  
鐵花撞破辟邪倒高臺未傾斜  
陽紅瓊蕊無胎媪神死慘澹何人譜  
花史秋草微黃銅輦空階下銀牀臥  
井水良朋導我行天街茅龍牢閉青  
豆齋三層樓閣不可到寒風決決搖  
松釵舊時石墨在何處坐覺涼生衣  
上絮無雙亭外暮煙生清磬數聲出  
門去



重九日江文叔招飲對山樓

善和坊畔菊花天，勝引招攜一惘然。  
漫以登高一杯酒，更尋羈客四條弦。  
琴書晝永庚辛檻，竹樹寒低金屑泉。  
欲向蕪城徵舊事，梯青雙屐且流連。

紅橋晴汎四首

霜風吹水晚蕭條，初過紅闌第幾橋。  
不見鵲華山下客，垂楊如雨下秋潮。

兩朝

宸賞此盤桓，金碧園空感萬端。

玉輦不來秋草合，寒禽鳴咽過雕闌。

簫管無聲碧水流，草湖秋冷木蘭舟。  
倚虹園裏青松樹，

閒與詩人弔白頭

查查寒鵲語卑枝  
鬢影衣香總不知  
今日平山堂下過  
更無人唱冶春詞

題揚州江氏別墅十八首

康山草堂

武功舊遊處茅堂倚平楚  
涼風眾綠零古懷浩如許  
衰柳咽寒蛩  
髮髭琵琶語

養苔逕

門巷綠陰初春雨  
黯遙夕落痕上番多  
落英紛以積  
亭午不逢人但見鶴行蹟

漚館

愛此一泓碧秋來瑩心神策策魚數頭引我濠梁情日  
夕多古懽聊結沙鷗盟

連理玉樹堂

生香交芳柯東風拂其外君家兩瓊枝態度春雲藹不  
見城南韋月作花樹會

學圃

爲學旣日益爲道又日損不厭畊耰勞所惜歲月晚灌  
之以沃之君子乃務本

秋聲館

小錄記鐵牛選勝心忡忡一雨廣陵城涼葉辭高桐歲  
暮衣裳單鐙下鳴草蟲

穆陀軒

一束磁青箋寫經手不隳松風入瓶笙宛向臞僧乞綠  
雪味有餘不數雞蘇佛

臥松原

髯翁疲津梁西風一瀟灑寒濤晚來深松子落其下誰  
與讀素書時有負苓者

辟萊堂

幽人耽林居十笏團香茅灌莽一以薙豈殊海棠巢但  
留菖蒲茸映彼長頸匏

紫玲瓏閣

春風語流鶯早解丁香結遠道何所思日晏不堪折卻

卷水精簾露寒望香雪

數帆臺

天風吹浪浪決背海門闊  
瓜步寒潮空峭帆渡超越高  
館濃花時佳人渺天末

裂帛澗

秋霖活礪戶一宵水淦淦  
長謠滄浪詩寒流清可枕時  
逢鹿兩頭青蜺不敢飲

對山樓

明詩衍中葉古學起何李  
康公磊落人秦聲亦偶爾疑  
獄中山狼誰共空同理

鶴樊

八尺麕眼籬老樹半癩疥養得青田雛不遣羽翮鍛試  
入輞川圖亦足配鹿柴

結綠泉

山溜何清冷一剎古玉色樵青洗研回晴瀾潒餘墨涅  
之而不緇其冽亦可食

踐約亭

碧雲日暮合三益望已久茵閣秋禊殘折柬翦菰韭駕  
言償詩逋怕罰羊劉酒

引蘿梁

華頂昔曾來石梁極修整何時種花瀨照此秋雪冷試  
剛萬年藤石上弄清影

隨月讀書樓

手持冰雪文來對白玉盤圓輝竟戶在無以瑤琴彈古  
人不可期翹首青林端

雪中過雷塘

朝券禿尾驢雷塘北風勁誰能脫烏兜甘與雪花競寒  
鴉鳴不飛枯葉落復映節物有消息時代倏變更此地  
古十宮大業多秕政樓臺項昇畫歌管絳仙進安問河  
北兵楊花入圖讖羅綺成墓田鼙鼙出蘭逕嗟余吳阿  
蒙感爲洛生詠藥黥給吹簫來遲日色暝時中丞淚把  
浩莫收山肩益瘁噤遠憶西谿西梅花一枝橫

宿揚州鈔關

歲暮遠于役歸思方浩然寒雞瓜步雨獨客廣陵船秋  
草非前度梅花又去年白沙洲上權終夕歎華顛

雨中渡江

妙高臺上曉鐘初振舵寒潮雨腳疏六代風花迷建業  
三吳煙水自南徐江河已覺淒遲後策略翻從感激餘  
安得良田徵負郭冰餐雪茹狎樵漁

石船行

黃河夜決祥符牘會通河水泥一尺大官治河百餘里  
朝奏開工伐山石石帆山高入青雲匠人日琢枯泉根  
大船連卷一百尺小船拉沓千餘斤權郎運船怒如虎  
估客吞聲不敢語忽然長篙插波心三百青蚨回一舫



得錢夜就倡樓眠歸來掠食仍開船於戲靳輔李衛不  
可作縱有罪言誰敢言

山塘感舊三首

屏曲題詩小扇秋盜池水冷柳條柔雲郎已老珠孃別  
休問長春舊酒樓

浣盡征衣驛路塵五年重過不成春東風西月鐙船散  
愁殺空江李相人

寒山鐘杵五更遲夢裏相逢醉後思誰倩當初華秋岳  
蓬窗重寫穆門詩華有周穆門山塘秋汎圖

題焦理堂

循北湖畫冊八首

渡中望甘泉山

西風吹缺瓜秋山杳然綠蕩槩過芳洲長謠紫芝曲

柴門

彎環牡蠣牆門外藥苗吐幽人跼蒼苔靜日如太古

半九書塾

焦光瓜牛廬長年抱竹素一卷九九書辛苦甄鸞注

斗姥閣瞰湖

茵閣高不窮蒼然白雲盡闌干落晴波下見渴虹飲

汎舟歸湖莊

采得菱蘅花歸舟愴將暮何處聞殘鐘依依廣陵樹

北觀音寺

臞僧茶色褐揖客棲松雲誰造釋迦象言尋蔬食文

北湖

良辰不可留檀漿南軒別日夕陵陽湖葦條作秋雪

歸市

山店五加皮百觚不辭買手鈔笠澤書卯市有糖蟹

題楊忠愍手蹟卷

丙寅夏阮師葺忠愍祠於焦山以家藏舊鈔  
宋元兩鎮江志及此置祠中紀之以詩

哦詩昔媵陶陵銅滿堂之客神雍雍邇來三載不見面  
往往夢與秋濤通此書此卷鼎之亞清晨又別歸山中  
乃知中丞有深意峴首之石心無窮書是京口書卷是  
椒山卷天池釣叟遺珠囊日夜青詞畫丹篆袁州大雞

昂然來由竇尚書攔路犬忠愍一疏交風霆蚌膽輸困  
豈求免至今紙上露光怪碧血棱棱見剛讐惜哉西市  
日俺答未滅貴谿死勝引曾約唐荆川青雀輕撻渡江  
水華表千秋老令威白日蒼涼照青史秋屏師兄王隱  
君邀客題詩自茲始松寥閣前秋草白半夜寒潮走沙  
石何當訪伊枯木槎瘦筇拄到金仙宅花龕茶版坐可  
聽竹院藤牀臥還借攤書海氣搖蛟宮把卷星芒照瑤  
席書也卷也應識余余亦琅嬛館中舊時客三者鼎足  
兩贈詩惟欠地志無一詞況書與余薰習久不忍脫手  
攢雙眉他年買山得長物定鈔副墨回茅茨長謠未畢  
晚風急小雨淒淒紙窗溼

湖莊雜詠八首阮師索賦

珠湖草堂

沙上半圭田春苗綠如髮雨過開牛宮眾芳殊未歇中  
有讀書廬夜涼抬海月

三十六陂亭

何處大雷宮陂陂足煙水小屋低於船泊宅自茲始吾  
家笠澤南惆悵鴟夷子

漁梁

漁梁不可尋沓沓白淙雨日暮拾魚人吹鐙隔秋浦安  
得結圓茅沿流采芳杜

湖光山色樓

晴湖淨難睡春山遠如浴譜入韶濩音小樓雨初足牽  
率曲闌凭衣裳滴寒綠

黃鳥正

山農種平仲上見黃栗留持此縣蠻聲感彼春風適工  
中有素琴歲暮役車休

龜蓮沼

盎盎一池水春來沒車轂半稜紫荷田苔衣上茆屋時  
有六眸龜天寒出巢曝

菱麋

采菱湖之湄寒流見斜領時值白蘋花夕陽澹無影遠  
道不可期秋心一相警

射鴨船

南鄰采芡船船尾挂圓笠買得竹枝弓  
菱蘆山雨溼射鴨晚歸來西風打頭急

尋廿四橋遺址

春風去芳林一雨袷衣暖幽吟憶書記  
出城不辭遠剡剡麥苗秀滑滑鳥聲緩  
齒疏寒流明闌空落花晚言念尋春人  
公暇此遊衍兵策盤胸中平安柬虛誕  
怨李與黨牛青史後來辨不待玉簫吹  
柔腸已堪斷

上方寺

舍舟陟崇岡曳屨竹西路梵磬寒不成  
平蕪少狐兔入門宿葉脫嘯鴉在高樹  
未便借繩牀梵放倏已暮佛家

鷲粟湯揖客且小住涼風松廊回古蘚石檀汙疑疑甘  
泉山蕭蕭玉鉤墓遺鈿耕夫留殘碑衲衣護吾欲理詩  
版惆悵不能句回首楓林宮斜陽下箇銘

答王柳邨見懷

見說沙田上幽居似石窗交同顧金粟詩比冷秋江暖  
翠晴浮閣飛花夜入艫何時雙不借言訪鹿門龐

山光寺

阿廐行宮墓近與禪智鄰破曉盪兩槩沿緣清淮脣遂  
扣青豆房風華妮殘春鼠姑已零落鶯粟相鮮新松粒  
高於樓竹箭低似麋查查乳鴉鬧膊膊春雉馴弔古得  
舊事看畫迷宿因不知賁火占今復幾由旬坡公許書



冬月二  
編大壘何嶙峋是日阮師許僧書山門他日儻重來誰爲  
持風輪太息出萸灣白鷗飛背人行當狎釣竿安事野  
馬塵

題楊芸墅同年修竹吾廬圖二首

纔過穀雨一番寒垞北垞南見數竿想像關西好兄弟  
謂書巢廣文詩成曾刻碧琅玕

淮南櫻筍雨初晴  
栗花開布穀鳴  
吾亦鄉園歸思切  
春雷一夜籜龍生

楊帝墓

波咽雷塘激浪麤  
重來水調認江都  
秋風已失彭城閣  
春草偏生皇子湖  
白骨那愁金鏡好  
黃腸終與玉鉤俱

可憐禪智山門路如霰楊花糝夜烏

谷林堂爲阮師賦

髯蘇谷林堂乃在蜀岡頂歲久僧不知如夢未曾醒夫  
子讀禮閒來此啜山茗搜古石墨羅證墜竹素診感此  
平生心千秋幾松菌一斗隄麋研大字擘窠等遂還慶  
歷觀不使隳幽迴秋雲客同招王柳邨  
季廉夫城曲買煙艇櫺  
櫓穿高柯窅窅陟虛牝寒花一鳩鳴淺草眾磨鋌誰能  
守樊籠尙未脫羈勒西日一爲低涼風淒以緊作詩笑  
蚬竅敢與長帽並去屨紆長廊歸逕度修畛逃禪固未  
能習靜此宜準儻蒙贊公邀重來宿心肯

曲江亭落成簡柳村

白沙洲畔綠楊邨上有危亭翳痕痕萬里風濤生海國  
千秋詞客憶梁園故人好在牆東住往事終思酒後論  
安得遠方數兄弟卻從赤岸望朝暾

訪聾隅子墓

楊子橋邊寺秋花一路迷墓田松樹盡寒雨子規啼  
人史已歔歔失碑從宗莫題瑣微十篇論幸未委蒿藜

積古齋展王文簡公小像

綠楊郭外舊來時司李才華故老知畫裏鄉心歷城水  
坐中人物冶春詞雷陂暮雨鐙船散蠶尾秋風冢樹悲  
師賢學山左曾  
修文簡之墓 一代詩名誰與並小長蘆外釣魚師

題李金闌同年壽陵圖二首

好花簪鬢日初遲夜韭辰瓜似舊時又向灌園圖裏見

竹竿記取上番移

用竹垞題灌園圖詞意

同君憔悴滯江湖索米無多計總麤只恐鄉園成鶴望  
不如歸去代萱蘇

後冬青庠集

天香菴圖爲李金瀾同年賦四首

屋南花樹十三枝虐雪饕風似舊時數徧君家能畫手  
前唯石谷後蘭坻

昔人曾此苦經營修竹千竿入暮青賴有諸孫好才調  
瀟瀟風雨抱遺經

故人淮海近相依回首蘆溝往事非莫笑碧雞狂道士

冬月二  
梅花時節幾回歸

寒泉一掬歲方閒  
詩老南鄰記往還  
吾亦逢人似朱十  
卜居須傍漾陂灣

重撫天一閣北宋石鼓歌爲阮師作

古之史籀不可作  
六書十義隳微茫  
杜林甄豐各新制  
誰復屈詰師  
凡將周時石鼓  
旣晚出響拓往往傳  
岐陽維唐有愈  
宋有軾手胝口沫  
何碩碩奇觚  
急就失古意  
要與叔重攻  
偏旁宣王中興  
嬭羣雅從臣劍  
佩趨明堂麋豕  
豈徒吉甫燕弓  
矢曾與方叔張  
堯典唐傳惜不  
復泥金檢玉誰  
爲償持刀立旆  
書在石法古直  
欲追先王先王  
蒐岐亦有證據  
經考史非荒唐  
九鼎已自淪泗  
水

十乘寧復求宵光雨淋日炙閱千載剝剔苔蘚留陳倉  
元和已後益珍重一紙肯使碑礫量劫火不假木櫛護  
由唐歷宋誠難詳填以鉤金詎免剔鑿爲科日奚能防  
細推點畫陋李蔡窮辨跟肘知星霜嘉禾缺月互隱蔽  
鳳毛虬甲相低昂前除神物廢考擊拂拭至寶還朝廊  
偶從太學識真面摩挲不異琮與璜時在嘉慶歲丁巳  
吾師弭節來錢唐哦詩每每宗二雅書字一一窮三蒼  
蓬萊漢隸久湮沒光堯御筆誰收藏刊書空記睦親里  
閱古猶驗蓮花莊天一閣中賴有此撫以油素歸上庠  
宛陵都官好詩句效韓誰得疑癡狂保氏小學昧點勘  
斷港何可航銀潢嶧山之刻義益晦皇象有作文失行

深檐大廈諒爾爾一與世俗揚秕糠嗟予讀書少識字  
百看不敢生雌黃脫出濡紙一束筍研覃朝夕充巾箱  
丁巳秋師曾儒生事業賁師古奚獨下筆求前章致君  
分余一本堯舜要由此邵陽酸棗殊廣颺咎繇歌虞奚頌魯斯事  
雖細留其綱湯盤孔鼎吾何敢對此發憤成憤懣美人  
天遠惜遲暮日其塗抹徒搶攘豈唯才薄羞李杜側身  
西望霑衣裳

佳哈船行

高郵孫無燂妻以舅冤獄刺舌血書金經五  
卷此康熙二十二年事也丙寅見於廣陵

佳哈船六月雪千歲字耿不滅一解  
淮水湯湯摧人肝

腸三年之久中心无益二解撓大計罪當死佛力雖大

不得止願血作墨皮作紙三解彼蒼者天身煩冤誰能

雪汝舅佳哈船四解淮水可涸百身不能贖佳哈船血

漉漉五解

### 曹娥廟

鳳皇山色剡谿東花草千年記殯宮文鯉乘潮來北渚  
靈旂帶雨卷西風迎神曲在清商改幼婦碑荒古殿空  
欲向秋原薦香芷一江寒浪晚濛濛

壯烈伯李忠毅公長庚輓詩四首

五島狼煙澈海陳大星前已賁侵晨虛傳麻葉能通款  
翻使盧鏗竟致身齒髮中年鱷背老弓刀廿載鸞誕親



男兒死國尋常事何以昇平答

紫宸

無復連檣事折衝當時橫海意從容生曾百戰愁刀筆  
死有孤忠溢鼎鐘赤馬船低魚浪闊紅衣礮急陣雲濃  
金塘漁汛春來近想見靈旗日暮逢

轅門肅肅暮濤寒甬上曾經大將壇風怒洗暉趨料角  
月沈折戢轉營盤海籌竟阻掄裘甫

廟算如冤殺幽端三載不歸歸便得頻煩

褒詔下金鑾

丹心從古羽毛輕聞道軍符督進兵俞戚將才原不忝  
孫廬遺恨可能平同仇甥館尊破略

陳司馬大琮公愛婿舊活沙

民望素旌廟貌千秋應好在看傳青史著公評

四月十日阮師招同顧星橋陳桂堂兩太守石  
琢堂廉訪暨蔣秋吟編修朱茱堂部曹華秋查  
大令項秋子待詔王柳邨茂才何夢華上舍自  
望湖樓至靈隱觀書藏紀事

白傅長慶集昔置香山寺平生四五寫具見無窮思至  
宋李公擇亦復祖其意少讀匡廬峰九千卷在笥藏之  
白石菴東坡爲作記寥寥千載心不可得思議吾師領  
湖山望古有深契維時知足齋詩文始行世無慮讀者  
乖或恐守之替會逢法與翁

謂時帆罩  
谿兩先生

哦詩具妙諦千

里寄書來謂宜遵古例初刻印一編禪林有法嗣花竹

滿諸天要與佛相媚持書告同人僉謀實不異山寺南  
屏深府帖急送遞十笏旣聞敞架構妙初地珠林一以  
開蟬聯復雁綴一書立一券有券必鈐識相與臞僧約  
兼共山靈誓是日天氣新練影晴雲曳勝引爲落之平  
湖汎蘭柁龜齡看經樓風光轉崇蕙米汁罷午餐篤言  
款松桂幽鳥嘯澗花清磬落巖翠共入枯木堂卷軸洵  
排次一埽蟬蛙空不知幾千歲簿錄準西齋收貯用立  
櫃勿令嘲夜援而以歎秋帶昔人思儒藏徒作不了義  
孰知名山緣乃遜智者智豈惟演三車恆河沙可計調  
御仗天人自茲脫垢膩譬之火宅涼各出大善慧眾心  
生歡喜頂禮而釋偈遂辭青豆房山椒日已墜歸去扶

荀興風篁出寒吹

訪書圖歌爲何夢華索賦

何君新作訪書圖索吾題詩走相示平生此圖見者三

展卷從頭爲君記其一黃姓蕘翁名

兵部得書十二圖辛酉歲見之其家

誰與畫者陳曼生

鴻壽

新書刊徧明道本換得不啻金

滿簾其二我鄉劉孝綽

予里劉疏雨藏書三十餘續皆善本昔館其家乃是布

衣奚岡作竹汀宮詹許爲記豈意綠苔遽生閣

疏雨訪書圖奚

鐵生作錢許作藏書記疏雨下世不果

兩家書畫美且都元鈔宋槧無時

無臨頓里中一百部

蕘翁藏宋槧本願闢眠琴館裏疏雨贊爲作一廬百宋賦

藏書處

三十廚此外袁

廷樞

大與嚴元照

九更不作畫亦

時有何如斯圖照千古一洗丹青絕前後夫君好古耽

冥搜南探禹穴東之罟手拓金石不知數口吟詞翰無  
與儔絳雲樓中焚未失化鹿寺邊竊還出一千金購吳  
都文八萬卷充長水宅日思誤字相串穿手定黃墨窮  
鑽研涼州太守車幾兩織簾居士手一編笑吾銜蠶亦  
好事縱不能訪頗爲累夜讌偷鈔述古堂朝遊市閱慈  
恩寺憶昔渡江至揚州吾師雲臺先生招住文選樓連牀照  
軫那可說手胼口沫無時休此時何君日來往臨淄嚴  
安厚民亦同賞廣集寧論翡翠裘搜尋不讓珊瑚網是  
冬吾師朝京師書函手捧陳丹輝白虎觀中起書藏讀  
罷屢頷

天子願明年霓旌復南下覓得重添寫官寫宋朝苗發

漢陳農誰復如君素嫺雅書目重鈔天一藏祕簡還從

束皙商沙棠之舟木蘭楫就鈔懷餅何俛俛余亦年來

增眼福許吾官齋日披讀多是華林未錄書往往焚膏

苦難足回谿史韻宋錢昔所珍龍爪釋文誰敢噉宋史

鑑釋文胡三省華父經義魏鶴山禮仲良史楊氏皇宋

詆之未可信本要鼓芳風扇遊塵君今將行且小住定有珍珠滿船

遇日本古文儻購成汲冢師春慎收護況君讐校過任

劉到眼眞贗窮源流錙炫連山自堪哂豐坊魯詩奚足

酬歸來豈但飫寒餓上充

祕府下學舍百城南面副本多他日從君遠相借吾歌

長言苦未工卷畫還君心忡忡不知舊日黃劉本誰入

琳琅

七閣中

陳進士 詩庭 畫山水歌爲楊補帆作

金閭門內陳老遲平生作畫兼作詩詩好乃和張句曲  
彥曾 畫多亦贈楊補之定香之亭昔遊在如鳥影過鐙

風吹句曲已死補之嬾便呼進士無人知曉來玉叉看  
此畫令我側側生幽思憶年在亥月在酉官舍重逢一  
把酒爲言歲久詩畫無小學新來辨跟肘經句別去但  
相思豈意谿藤省良友當窗花影日未中傳看忍汗寒  
具手當年酒伴散如雲陸 采山繆 助夫 天涯雨不聞鏡  
中白髮悲鷗侶畫裏青山冷鹿羣屬我拈豪那能好吟

成傾盡愁懷抱卷畫還君太息多補之補之爾亦老

同人皋亭山看桃花四首

五載重遊第一回妒人風雨莫相催看花君子知何處  
又向元都觀裏來

平生心事在江樊籠鳥池魚未許言說與南陽劉子驥  
有桃花處卽仙源

一片紅雲出水濱南朝風景認難真花雖不語花爭笑  
曾見僉名謝道清

鋤動花飛日暮時分明得氣草衣詩有人閒泥臨平水  
手撚垂楊照鬢絲

輓校官凌次仲



朝來凶問到精廬猶記明州見面初  
臚有一旌題進士並無弱女奉遺書  
秋鐙論史寒潮永短權攜家夜雨疏  
時方挈家還歙聞道小紅還好在白楊蕭瑟復何如

千墨盦圖歌爲貝簡香作袁綬階壻也

五硯先生得快壻漢魏金石羅千通  
撥蠟失真棗木換精審奚論趙與洪  
千墨盦空百花亞秦權漢碣明煙松  
亭林不作竹汀老紛紛耳食誇元功  
經史足徵吾所愛惜遠未見覃谿翁  
郭香之察近再讀動魄豈後陶陵銅  
琅嬛仙館近以二十萬錢得西嶽華山碑不翦本平生疑竇那可數  
誰抉塵障開心胸清江主人異嗜好  
甌椎遠出搜鴻蒙他時訪君求異本  
壻鄉直指楓橋東

過休園弔鄭元勳二首

詩社飄零感萬端  
影園人盡北風寒  
黎郎去作沈湘客  
無復春陰黃牡丹

流雲暗壑閣苔青  
重見司勳舊日經  
一自高家兵馬後  
惟留老樹在空庭

聞道

聞道清強濁更强  
須知

宵旰在宣房  
已教理水煩王景  
特

敕疏淤起許商射  
瀆沙痕留屋瓦  
汜光秋汎失魚梁  
東行若見河隄使  
三策當求第一長

北征集

牛車曲

常州人家多以牛轉桔槔因作此

秋田不雨穀不熟家家養牛轉水轂前蹶欲起後蹶縮  
竹竿孃孃日鞭扑雙角高低背血漉屋角飢烏暮相啄  
槐風灑地不敢伏吁嗟乎登場願得穫斗斛糠飫亦足  
飽汝腹牛宮朝來報生犢爾且食芻人食粥汝力雖勞  
亦汝福不然人飢食汝肉

二十六日王家營曉發

遠行不安枕轉側清宵長白鳥號中夜無睡眠單牀僕  
夫脂我轄未明先治裝幽蛩咽西壁乾鵲鳴東廂門前  
騾車鐸郎當聲難詳展軔取修甸頽波何湯湯還眺黃

河南一線明江鄉今朝風日美未覺單衣裳  
工中隱直麻水曲夾垂楊茶煙出土銍豆莢  
黏葭牆鳬翁戲淺渚犬子蹲寒岡悲來故無  
端不飲心傍徨浮雲滿四野落日交昏黃朝  
發黃河濤暮宿桃源莊

曹家林至紅花鋪

昨午柅征車義輪尙未晏暖湯濯我足稍稍  
事筆研澹坐山雨生墨雲墮片片繩繩衝涼  
波變變集寒濺澤農旣歡呼旅人亦清燕籤  
郵轉生愁翦燭意忘倦荻簟屢夙興屋山北  
斗見宿人秣其馬氣候倏遷變行行五花  
橋清夢落谿澱逕滑輦稂田沙輒積薯堰水  
禽飛鵲鵲野花明蒿藋不知何處山馬首忽  
迎面巨浸匯灘流殘

褐未暇勘回憶去家時流光急奔電

謁羊鉅平侯祠

獨訪羊侯廟停車拜夕曛探環存古木墜馬想荒墳壤  
壁銜秋蘚寒潭生暮雲殘碑如峴首讀罷淚紛紛

題驛壁二首

兩輪歷碌到潞陽初試縣衣覺晚涼一夜徂徠山底住  
西風吹葉下垂楊

破窗風葉作離聲七載東華又曉行何似櫻桃園裏竹  
結根冉冉得孤生

岱廟六漢柏歌

昔聞岱廟有古樹六柏種自西京時千里來看苦未識

凡木糾結難爲知繞廊攀楯一尋覓始覺奇氣生須眉  
一株直幹一株折一株高立青雲垂更有兩株葉全脫  
頑立巖頂神孤危其西一株若振翮鸞漂鳳泊相撐持  
皮乾剝蝕如古鐵骨瘦突兀同蟠螭秦松偃蓋或同輩  
唐槐撐幢疑小兒婆娑日暮益心肅長風遠扇洪濤吹  
海鶴欲下蒼兕出山橫水蹙神奔馳夜叉轉臂勢屈曲  
毒龍遠吼鱗之而我聞新甫昔種此到今祇益牛山悲  
何如此柏結根早若與青帝通靈祇大塊栽培少戕賊  
皇天長養寧偏私武皇東巡旣不復我來瞻拜還三思  
昌黎已去少陵死欲歌且住神爲疲

重至京師呈劉信芳師

青衫四十尙無成忍向歐門數舊行春雪曉遊方廣寺  
秋潮夜聽暨陽城百年浪跡浮雲改九載光陰逝水輕  
此日東華重奉袂不禁白髮一宵并

貞觀金塗造象阿彌陀銅碑爲阮師賦

銅碑四寸寸有咫唐貞觀年造像作金花半露沙牀斑  
楷法交飛水蚊腳臨風易惹鶯耨熏映日難摹貝多薄  
上言神天入調御下祝家門集綰綽維時太宗御極久  
海宇昇平勤遠略三藏白馬西域歸至此剛踰二年弱  
碑載貞觀廿一年造按舊唐書元奘於貞觀六百五十  
十九年歸至京師太宗大悅中國佛教浸盛六百五十  
部有奇梵字橫行各糾錯翻經院裏大官忙慈恩寺中  
眾僧學公主爭嫌祝髮遲山妻但解施錢樂豐碑已滅

不可求墜此眞如一風籜吾師好古羅吉金抉剔落痕  
自湔濯雙碑泰岱間館開傳看何妨羣手拓偶然賞鑑  
來蘇齋覃翁先生從此哦詩滿臺閣眾云字體近褚歐此論  
雖公亦忖度度人經少失波磔開元泉多見輪廓恐似  
經生鍾紹京寫罷彌陀借深託鰈生右手如縣槌瞽說  
從人笑捫籥方今崇文當

盛朝祕閣裁書集英博此碑發蹟固有時呵護寧非法

輪覺

時文穎館采此碑入全唐文

竭來兩至春明門歲暮長吟苦神

索自笑眞金不鍍金懺悔徒勞十指膜日斜擁鼻地鑪  
紅窗外寒風叫乾雉

送屠琴鳴以詞館出宰儀徵



翩然仙吏動鳴騶聞道分符近石頭錄別花看崇效寺  
到官鱗買白沙洲塞翁詩畫初無敵吳山濤抗人宰麟  
度循廉孰與儔陸師歸安人宰總是同鄉且鄉語任渠  
亭井號柯劉

南遊集

謁孟廟

喬木千年在虛堂見雅弦論功蓋五霸卜宅記三遷畫  
殿嘯幽鳥苔壇繞細泉宣和遺碣在道統至今傳

過滕縣

孤駘山近薛城邊小國縑衣舊好賢往日雄心留試劍  
至今井地想分田青帘荒站斜陽市細馬平皋落木天

誰見銀花如舊白乾紅衫冷遞吟鞭

自梅心驛至桃沖

曉星未落北風勁繁霜刮面肌粟生筍輿結束催僕役  
翠礪山石行不平深堡老藤活千歲高巖仙藥生一莖  
雲繁不聞谷鳥響日暖尙有寒蟬鳴丁丁樵斧斬陽木  
戛戛耒板敲春耕嶺迴勢抱叵犇放逕仄句棧相搪撐  
居然幽靜畫不得留此清境償閒行計程已失羹頤墓  
弔古誰問龍舒城人生萬事固有定我胡局促同飢蟲  
茲行亦足快鼂飽一笑富貴浮雲輕

桐城道中

龍眠主人不復生山莊宋莫豈可畫一峰嫵媚佛髻撐

之E二  
眾木鬚髯鬼臉斷初洗宿霧登天光略見寒流破沙界  
澗戶如聞扁蝠飛石洞遙看瘦蘿挂山家種樹采伏苓  
隔隴蒼官列蔥薤我來卻值霜信濃紅相干山日初曬  
豈唯下選田好畊是處奇礪石堪拜儻賃盧鴻舊草堂  
儘足牀繩與壁疥松花朝飯不自愁赧粉宵磨亦稱快  
世人嗜好殊酸鹹誰喚公麟與清話

澗山

皖公山色清且腴傳是仙人煉丹地棧雲遙洩石樓峰  
天柱如聞嶽南紫吾來西北由薊門忽邇南遊不自意  
嵐蒸氣候寒暑遷霏罨晴光朝暮異千條飛瀑地腹通  
一角斜陽雲背墜茅茨時聞練鵲喧槍籬卻少銀麋睡

衣袂颯颯飄飄楓香展齒蕭蕭落松翠饒饒巖竇滂雲煙  
嘗恐精靈自珍祕吾生山嶽成攢譏後日松蘿任高議  
一兩蠟屐償阮孚足蟹還來叩雲寺

舟中望廬山

客行有程飯夜半今晨稍遲日色薄涼風披披吹舳艫  
五老迎人向裾落南遊竟到潯陽江失喜狂歌躡飛躡  
荻花瑟瑟明江洲柳樹搖搖帶山郭故人不枉湓浦書  
招隱難辭廬阜約十年已恨同雞筴百歲何能再豚縛  
初陽隔江嶺勢孤宿霧連天巖影削浮家汎宅且漫期  
雨裏煙包正行腳讀書縱後公擇年來遊差比香山樂  
雲泉有約不可忘遠夢終宵落谿壑

寄阮集

雨中過祥符觀

石棧紅泉噴花宮碧草春仙鐙孤照雨羽蓋暗生塵  
閱世悲殘碣羈懷愜隱淪茅軒如可卜歸臥五湖濱

東軒卽事

鳳皇山下雨絲斜小駐東軒薄笨車霽色蒼涼催布穀  
寒風料峭勒山茶已無蘭草追塵跡賸有桐柯記歲華  
辛苦畫圖翁學士獨傾懷抱向煙霞

覃谿宮詹有東軒記嘗繪圖作詩

雨中望螺山弔文信國

丞相孤墳春雨中白沙江遠樹冥濛死歸齒髮馮千載  
生祭文章笑鼎翁豕木重來付朱鳥兵機自昔等秋蟲

他年經過青原寺重薦寒泉白鴈風

夏日懷人四首

計上舍秋琴

深

孟夏何陶陶吾思谿南友恂恂計然子直諒亦難偶閒  
曝納楹書靜瀾煮茶日十年其筆研有無各奔走海城  
聽濤聲古廟榻碑首爾來不相見忽已兩年久遙知荀  
香庠有母獻春酒今春得芳訊隱居如陶潛何時返三  
逕藥玉斟觥船

孔比部曉坡

慶鸞

孟夏何陶陶吾思燕臺人嶽嶽孔北海通雅無與倫禮  
器抱東漢素簡尊先秦一年住京雒推解彌飲醇看花

西苑暮閣古東華  
晨爾來不相見  
忽已一年新  
遙知太僕街有朋  
如雷陳馮茂才前月得朝報  
補官如王播何時過  
薊門梅花索酬和

楊明經元鼎 知新

孟夏何陶陶  
吾思孤城賢  
醇醇楊南仲  
博洽誰能先  
盈篋千卷書  
負郭五雙田  
十年同帖括  
笙典窮鑽研  
春訪窪尊亭  
秋尋虎跑泉  
爾來不相見  
忽已踰兩年  
遙知夙好齋  
有子傳青氈  
去年赴賢書  
棲遲如柳冕  
何時汎月湖  
經義共詳讞

阮司馬小雲 常生

孟夏何陶陶  
吾思廣陵客  
矯矯阮仲容  
曠度不可擇  
奇

字探蒼籀詩篇過郊籍九年聽官鼓研究費昕夕皋亭  
盪春燒蜀岡蠟秋屐爾來不相見忽已兩年隔遙知文  
選樓有叔分講席昨歲枉尺素好句如陰鏗何時渡京  
口論詩崇令名

### 昇山寺

粥魚茶板靜相依破寺空山對翠微巖溜直衝崖腹渡  
晴雲低入樹根飛伽陵鳥語清禪榻澤瀉花田界衲衣  
到此媿無三宿住何年重與款松扉

### 橘枝詞四首

渡口山家屋似舟沿沙種橘飲谿流壺公巖畔千頭樹  
抵得人間萬戶侯



好劣耕牛賃鴈租  
天陰鷗鷺繞門呼  
水田澤瀉沙田蔗  
沙水中間種木奴

篋裝窮裹早寒天  
客裏單衣未貯絺  
忽念家山光福寺  
洞庭紅滿楸頭船

烘晴帶雨出霜痕  
厓蜜曾輸可細論  
南豐產蜜橘行到石龍

最深處人煙數點忽成邨

### 白石鎮

侵晨發琴臺山川漸深窈  
秋來泉眼枯礪戶聲正小  
涉者揭其衣高下出林表  
山鄉歲月遲瓜架猶未埽  
高雄嘒繁柯驕紅發衰草  
茲行沿盱江遠近互環繞  
盤岡踞厚地孤峰插晴昊  
顧問旁人名楚言不能了  
何爲終歲

遊徒使顏色老霜枝旣榮孳蠹葉任敲倒古樟大十圍  
石枅互連抱古人名豫章取義足稽攷

寧都試署望翠微峰有懷易堂十子寄阮師

勺庭池館翠微東山入金精有路通四海文章三子在  
一堂遺佚十人同方塘水冷芙蓉月烏谷霜凋薜荔風  
縱使歐公高史席僻逢自以采薇終

上十八灘謠

灘聲長灘色黑水力鬪曲不鬪直上灘角下灘龍舟行  
趁水不趁風竿長一搖入灘水寒煙漉漉石齒齒仙人  
之寶在何許唯見嶙峋怪石波心如山鬼鬻涎蜃屑吹  
飛湧出出如聞昆吾噪已過瑞林砦還上長沙潭楓根

倒挂石腳出波紋瑟縮如眠蠶水漸低聲漸歇長年攤  
錢山水窟回頭一笑三門灘宛若呂梁縣溜一落毛髮  
生微寒

灘師引

一人操舵如操弓一人使竿如使虹竿搖輒與舵相應  
決落千丈排長空崩崖巨石健於虎磨牙攫臂迫豐隆  
山根益束水益怒其氣直欲吞艫艫須臾撒竿入釜底  
中有一綫盤蒼穹山迴水抱木葉倒日腳下射龍所宮  
欸然竿落舵亦側長年屏息心忡忡竿低舵轉浪花靜  
灘師唱曲洪濤中舵師持舵如轉轂竿師持竿如飛蓬  
吉祥鉤腳不可識唯覺萬古青濛濛

瑞林砦見周雨亭同年話舊

不見周生烈棲遲又十年才華流輩少章貢一江連惠  
我煩文綺思君若醴泉塊無瓊玖報三復木瓜篇

三門灘歎

行路之難蓋紀實也

三門灘前水勢寬估客釀酒相交歡三門灘前天色夜  
估客吹鐙益可怕山程水程君且聽一生九死何零丁  
巖深月黑鬼車叫寒風水面吹秋螢君不見信豐江邊  
日腳斜老板殺人如翻瓜

下十八灘謠

上灘已自雲都止下灘復自巔石始上灘怒而健下灘

舒而闊舟行一落如脫箬上灘窄以適下灘疏以豪舵  
迴一撇如牛毛上灘嚴且阻下灘狂且簸擗腰一撇如  
旋磨人生得失誰能知如灰顏色馮篙師章江貢江一  
派流鬱孤臺下風颼颼上水遲下水速水洄洄石碌碌  
往者歌來者哭

重寓百花洲弔蘇隱君與同人設奠而去三首  
竹牀板屋寄湖東南渡旌旗在眼中畢竟避人成底事  
岳飛冤與曲端同

谿雲淦淦繞祠堂零落空隄柳數行若向西湖比和靖  
也應配食水仙王

北盟往事散秋塵虞馬諸公論未眞輸與深寧閒點筆

獨將瑣屑傳高人

樟樹鎮觀河燈歌

寒星鼉肩野水立樟樹鎮邊雲海溼驚濤睽睽吹漆燈  
老魚跳波鬪體泣十五五明相花河流四散沙尾斜  
檣牀騷屑作鴈語千年血轉風輪車老鼻當初卽山鑄  
裂帛一呼有餘怒陽明洞主來贛南約束蛟鱷如井魴  
至今水面鬼火青天陰月黑同繁星法王自唱無愁曲  
笑倒乖龍睡未醒

虔州懷古四首

東閩西粵各紛爭地軸崆峒險勢成珠海自來煩北計  
樓船何事廢南征金鐘水急傳蕭武瓦研苔深記灌嬰

千載尉陀勞桂蠹已輸章貢十分清

秋老黃茅瘴雨吹空城羽檄憶僮芝徒煩楊僕籌邊策  
誰折盧循下海師平固鎮荒魚魷草杕華坊冷日南枝  
紛紛蠻觸功名盡八境臺高畫角悲

自南翠浪玉虹來蛾子場空木客哀平賦漫開龜尾角  
勒勲誰到鬱孤臺百蠻驛迴愁丹荔三泖碑存拂野梅  
轉憶文成籌筆地亂雲殘雨一裴裒

去馬來牛總禍機佛桑花底重獻欬楊張兵甲山河在  
金李沙蟲歲月非事盡轅門榕樹冷客歸殘壘鷓鴣飛  
七松亭外青燐屑閒與臬陽弔落暉

冬青館甲集卷二